

ЗАСГИЙН ГАЗАР

ОХУ-ТАЙ ТӨМӨР ЗАМААР АЧАА ДАМЖУУЛАН ТЭЭВЭРЛЭХ ГЭРЭЭГ ЭНЭ САРЫН 23-НД ҮЗЭГЛЭХ НЬ

V нүүрт



МОНГОЛ АРДЫН НАМ ХАНДИВЫН ДАНСАА НЭЭЛЭЭ

Иргэн та хандив өргөхдөө Сонгуулийн тухай хуулийн 50 дугаар зүйлд заасны дагуу: 50.1.1 Иргэн гурван сая төгрөг хүртэл /регистрийн дугаар/ 50.1.2 Хуулийн этгээд арван сая төгрөг хүртэл /регистрийн дугаар/

Сонгуулийн тухай хуулийн 40.3-д: "...Сонгуулийн зардлын монгол хөрөнгийн банкинд нээгдсэн, сонгуулийн зардлын дансанд энэ хуульд заасан журмын дагуу төвлөрүүлж, зориулалтын дагуу зарцуула" гэсэн, заалтыг үндэслэн Монгол Улсын Их Хурлын 2016 оны ээлжит сонгуулийн зардлын дансыг нээсэн тул намын гишүүд, дэмжигчид, дэмжигч байгууллага, иргэд та бүрнийг хандив өргөхийг хүсье.

"ХААН БАНК"
5115028001 тоот данс

Дугаарын **60** мөр

Хувьцааныхаа мөнгийг салхинд хийсгэчихэв дээ

Э.ТУУЛ

Тэртээ 1990 онд аав, ээж минь боломжийн ажилтай, бид ч цалин мөнгө гайгүй авдаг дажгүй амьдралтай хүмүүсийн тоонд ордог байлаа шүү дээ. Гэтэл гэнэт л нэг өглөө ажилдаа очиход ажлыг нь төрийн мэдлээс гаргаж, хувь хүнд очсон байв. Тухайн үед хувьцаа, цэнхэр ягаан тасалбар, хувьцаа эзэмшигчдийн талаар ямар ч ойлголтгүй байсны улмаас ногдол ашиг энэ тэр гэж нэхэлгүй, тэр чигт нь орхисон түүхтэй. Харин 2011 онд Монгол Улсын иргэн бүрт "Эрдэнэс Тавантолгой" ХК-ийн 1072 хувьцааг өгсөн. Энэхүү хувьцаа өнгөрсөн таван жилийн хугацаанд амьгүй байсны эцэст сая нэг амь орлоо.

Төгсгөл нь II нүүрт



Гэрэл зургийг Г.АРГУУЖИН

Туул голын тухай хууль санаачлах УЛС ТӨРИЙН ХҮЧИН ХЭРЭГТЭЙ БАЙНА

Н.ПУНЦАГБОЛД

УИХ-ын ээлжит сонгууль болоход хэдхэн хоног үлдээд байна. Улс төрийн нам, эвслүүд уламжлал ёсоор өөр өөрсдийн мөрийн хөтөлбөрийг боловсруулж, өмнөх шигээ

ард олон биднийгээ сайхан амьдруулна гэж амалсан. Их ч олон ажил хийхээр мөрийн хөтөлбөртөө тусгаж. Гэхдээ энэ дунд нэг зүйлийг бас сануулах хэрэгтэй байна. Тэр энэ нам, эсвэл нь хамаагүй. Төрийн түшээ болж сонгогдсон, одоо сонгогдох бүх хүнд хамаатай

нэг зүйл бол Туул голын тухай хууль юм. "Монголын мэдээ" сонин 2012 оноос өмнө энэ санаачилгыг гаргаж, олон гишүүнтэй ярилцаж, санаа бодцыг нь сонсч байлаа.

Үргэлжлэл нь III нүүрт

Төгсгөл нь V нүүрт

ХӨНДӨХ СЭДЭВ

АХМАДУУДАА АЧ САНАХ ХЭРЭГТЭЙ

Д.СҮХ

Монгол Улсын эдийн засгийн хувьд амаргүй өдрүүд үргэлжилж байна. Гадаадын шууд хөрөнгө оруулалт, түүхий эдийн үнийн уналт, төр засгийн алдаатай бодлого шийдвэр тэргүүтэй хэд хэдэн хүчин зүйлээс хамаарч эдийн засаг доройтоод байгааг гудамжинд таарсан эхний хүнээс асуусан ч хариулж чадахаар боллоо. Харамсалтай нь, энэхүү эдийн засгийн хямрал үргэлжлэх төлөвтэй байгааг эдийн засагчид анхааруулж байна. Тухайлбал, бондын төлбөрийг эргүүлж төлөх асуудал эрх баригчдын толгойны өвчин болоод удаж байна. Гадаад валютын нөөц шавхагдаж, 2012 оны эцэст 4.1 тэрбум ам.доллартай дүйж байсан албан нөөц өнөөдөр дөнгөж нэг тэрбум ам.доллартай тэнцэж буй. Мөн улсын төсвийн алдагдал энэ оны эхний таван сарын байдлаар 877 тэрбум төгрөг хүрсэн.

"ТЭЭВЭР ЛОЖИСТИКИЙН ТӨВ" – Д ХАМТРАН АЖИЛЛАХ САНАЛАА ИРҮҮЛНЭ ҮҮ

Монгол Улсын Засгийн газрын "Далайд гарах боломжийг нэмэгдүүлэх талаар авах зарим арга хэмжээний тухай" 2013 оны 152 дугаар тогтоолын хүрээнд БНХАУ-ын Тяньжин боомтын Дунзян чөлөөт худалдааны боомт бүсийн 10 га газарт Хятадын талтай хамтарсан компани байгуулж "Тээвэр ложистикийн төв" төслийг хэрэгжүүлэх, энэхүү төсөлд хөрөнгө оруулж, хамтран ажиллах боломж бүхий хувийн хэвшлийн аж ахуйн нэгжүүдийг сонгон шалгаруулж зохион байгуулахыг "Монголын төмөр зам" ТӨХК-д даалгасан юм.

Иймд дээрх төслийн хүрээнд Дунзяны чөлөөт худалдааны боомт бүсийн татварын хөнгөлөлттэй эко орчинд үйлдвэрлэл эрхлэх, дахин боловсруулалт хийх, үйлдвэрлэсэн бүтээгдэхүүнээ экспортлох болон БНХАУ-ын зах зээлд нийлүүлэх дотоодын аж ахуйн нэгжүүд төслийн саналаа ирүүлнэ үү.

Дунзян чөлөөт худалдааны боомт бүсэд үйлдвэрлэл явуулахад дараах хөнгөлөлтийг эдэлнэ. **Үүнд:**

1. Чөлөөт бүсэд бүртгэлтэй аж ахуйн нэгж эхний хоёр жилд үйл ажиллагааны татвараас 100%, дараагийн 3 жилд үйл ажиллагааны татвараас 50% чөлөөлнө; Харин ашиг олсон жилээс эхлэн эхний хоёр жилд аж ахуйн нэгжийн орлогын албан татварыг 100%, гурав дахь жилээс тав дахь жилд аж ахуйн нэгжийн орлогын албан татварыг 50%-ийн хөнгөлөлтийг үзүүлнэ;
2. Гадаадын ачаа барааг чөлөөт бүсэд оруулахад импортын гаалийн татвар болон НӨАТ-аас чөлөөлнө.
3. БНХАУ-ын дотоодын аж ахуйн нэгжүүд ачаа барааг чөлөөт бүсэд оруулахад экспортын татварыг буцаан олгоно.
4. Чөлөөт бүс дотор аж ахуйн нэгжүүд үйлдвэрлэл эрхлэх, дахин боловсруулалт хийхэд НӨАТ-аас чөлөөлөгдөнө.
5. Үйлдвэрлэсэн бараа бүтээгдэхүүнийг чөлөөт бүсэд худалдаалахад НӨАТ болон хэрэглээний татвараас чөлөөлнө.
6. Чөлөөт бүсийн аж ахуйн нэгж үйлдвэрлэл эрхлэхэд зориулсан хэрэглээний ус, шахилгаан, газ, дулааны төлбөрийн татварыг буцаан олгоно.

Санал авах хугацаа

2016 оны 8-р сарын 1-ний өдрийг хүртэл "Монголын төмөр зам" ТӨХК-д албан бичгээр эсвэл baigalmaa@mtz.mn цахим хаягаар "Үйлдвэрийн төслийн санал" гэсэн гарчигтай ирүүлнэ үү.

ХАЯГ:

"Монголын төмөр зам" Төрийн Өмчит Хувьцаат Компани Сүхбаатар дүүрэг, 1-р хороо, Энхтайваны өргөн чөлөө-23, УВН центр, 8-р давхар Улаанбаатар 14230

Утас: (976) 99140072, 91999333

Факс: (976) 70106644

Вебсайт: www.mtz.mn

ДОТОР НҮҮРТ



ИХ БРИТАНИ ЕХ-НД ҮЛДЭХ ҮҮ, ЭС ҮЛДЭХ ҮҮ

6

ДУУЛИАНЫ ЭРГЭН ТОЙРОНД

Б.ЧУЛУУДАЙН ТАЛААРХ ГҮТГЭЛГИЙГ БАРИМТТАЙГААР НЯЦААВ

Б.ДАВАА

Олон улсын эрэн сурвалжлах сэтгүүлзүйн концернумаас сүүлийн 40 жилийн хугацаанд Панамын хуулийн фирмээс зөвлөгөө авч, оффшор бүсэд компани байгуулж байсан эрхмүүдийн нэрсийг зарлаж, томоохон дуулианыг тарьсан билээ. "Панамын баримт бичиг" нэртэй тус мэдээлэлд давхардсан тоогоор Монголын 49 эрхэм нэр холбогдсоны нэг нь Нийслэлийн Засаг дарга Э.Бат-Үүлийн хүү Б.Чулуудай байсан юм. Тус мэдээлэл нийтэд ил болсон даруйд Б.Чулуудай "Би оффшор бүсэд компани байгуулсан нь үнэн. Гэхдээ уг компани нээгээд л орхисон. Ямар нэгэн гүйлгээ хийгээгүй. Тус компани нь үйл ажиллагаа явуулаагүй байж байгаад татан буугдсан" гэсэн тайлбарыг хийж байсан билээ. Харин Нийслэлийн засаг дарга Э.Бат-Үүл "Миний хүү оффшор дахь компаниараа дамжуулан ганц л удаа гүйлгээ хийсэн байвал би албан тушаалаасаа татгалзана.

Төгсгөл нь II нүүрт



सत्यमेव जयते

ХИНДИ ХЭЛНИЙ ХИЧЭЭЛ

Улаанбаатар дахь Энэтхэгийн Элчин Сайдын Яам Зүүн Хүрээ Дашчойлин Хийд дээр Хинди хэлний хичээлийг үнэ төлбөргүй явуулж байна. Хичээл Даваа, Лхагва, Пүрэв гарагт 1430-1630 цагийн хооронд явагдана. Дэлгэрэнгүй мэдээлэл авахыг хүсвэл Хинди хэлний багш Хатагтай Сийлэгмаа (утас 99125258)-тай холбогдох юмуу cons.ulaan@mea.gov.in буюу hoc.ulaan@mea.gov.in хаягаар бичнэ үү.

	ХААН Банк		Хугалгаа хөгжлийн банк								
	Авах	Зарах	Авах	Зарах	Авах	Зарах	Авах	Зарах	Авах	Зарах	
АМ.ДОЛЛАР	1945.00	1960.00	ФУНТ	2739.00	2822.00	АМ.ДОЛЛАР	1948.00	1962.00	ФУНТ	2766.00	2821.00
ЕВРО	2170.00	2222.00	РУБЛЬ	28.00	31.80	ЕВРО	2178.00	2225.00	РУБЛЬ	28.90	30.90
ИЕН	18.48	18.95	ЮАНЬ	294.30	297.80	ИЕН	18.53	18.98	ЮАНЬ	295.00	298.20

Өчигдрийн 19.00 цагийн байдлаар

ДЭЛХИЙ



цэцэрлэгт хүрээлэнгийн ойролцоо цугларч амиа алдсан улстөрчийн дурсгалыг хүндэтгэн дуугаа хураасан байна. Мөн эрх баригч Консерватив намынхан “Бид Европын холбоогоор дамжуулан дэлхийд нээгдэх болно. Үлдэх сонголтыг хийцгээ” хэмээн уриалжээ. Энэхүү цуглаан оролцож байсан нэг залуу “Сая гарсан хэрэг санал асуулгад хэрхэн нөлөөлөхийг мэдэхгүй. илэрхийлж байсан. Энэ түүний сүүлчийн уриалга байсан” хэмээн уг баримт бичгийг тайлбарлаад байгаа юм. Нөгөө талаар, гарах сонголтыг дэмжигчид ч гэсэн Лондон хотноо цугларч, “Улс орныхоо эрх мэдлийг гартаа эргүүлэн авчрах боломжийг алдахгүй” байхыг уриалжээ. Түүнчлэн, Лондонд ЕХ-оос Их Британи гарахыг дэмжигч нэгэн залуу үлдэхийг дэмжигчидтэй дүрвэгсдийн

Их Британи ЕХ-нд үлдэх үү, ЭС үлдэх үү

Б.ДАВАА

Их Британичууд Европын холбоонд үлдэх, эсвэл гарах гэсэн хоёр хариултын нэгийг ердөө хоёрхон хоногийн дараа сонгоно. Ийм чухал санал асуулгын өмнө аль аль байр суурийг дэмжсэн улс төрийн намуудын мэтгэлцээн ид идэвхжиж байна. Европын холбоонд үлдэхийг дэмжигч болон гарахыг дэмжигч гэсэн хоёр хэсэгт хуваагдаад буй Британид өнгөрөгч долоо хоногт түрхэн зуур элдэв сурталчилгаа намжаад байсан. Энэ нь сөрөг хүчний улстөрч эмэгтэйн үхэлтэй холбоотой байв. Тодруулбал, Английн Уэст Йоркшир мужийн номын сангийн өмнө Хөдөлмөрийн намын конгрессийн гишүүн Жо

Кокс гэгч эмэгтэйг үл таних нэгэн эрэгтэй буудаж, дараа нь хүйтэн мээсээр эрэмдэглэн амь насанд нь халдсан аймшигт хэрэг гарсан. Хэргийн дараа бүсгүй эмнэлэгт хүргэгдсэн ч, удалгүй нас баржээ. Хэрэг үйлдсэн этгээд 52 настай байсан бол хохирогч 41 настай хоёр ч хүүхдийн ээж байсан гэдэг. Тэрээр сүүлийн үед сошиал сүлжээгээр дамжуулан ард иргэдэд ЕХ-нд үлдэх сонголтыг хийхийг уриалж байжээ. Хэрэг

пүрэв гарагийн үдээс хойш 13.00 цагийн үед гарсан бөгөөд хэрэгтэн анхны мэдүүлэгтээ “Би Их Британийн төлөө урвагчдыг цааш нь харуулах болно” гэсэн тухай зарим эх сурвалж онцолж байгаа юм. Ямартай ч, хэрэг гарсны дараа элдэв дуулиант мэтгэлцээн түрхэн хугацаанд намжмал байдалтай байсан ч, энэ сарын 19-ний өдрөөс эхлэн дахин эрчимжлээ. Их Британи Европын холбоонд үлдэх ёстой гэсэн сонголтыг дэмжигчдийн хувьд Лондон хотын төв

Гэхдээ үлдэх сонголтыг хийх хүмүүсийн тоо улам их болоосой гэж хүсч байна” гэж ярьсан байна. Тэдний хувьд улстөрч Жо Коксын үхлийг өөрт ашигтайгаар эргүүлэхийг зорьж байгаа юм. Тиймдээ ч Жо Кокс агсны нас барахаасаа өмнө гарын үсэг цуглуулж байсан ЕХ-нд үлдэхийг уриалж буй баримт бичгийн албан ёсны вэб хуудастаа байршуулаад буй. Мөн “конгрессын гишүүн Жо Кокс ЕХ-нд үлдэхийг маш хүчтэй дэмжин байр сууриа

асуудалтай холбоотойгоор ширүүн мэтгэлцээн өрнүүлээд амжжээ. Ямартай ч, энэ пүрэв гарагт британичууд чухал сонголтын ард гарах учиртай. ЕХ-ноос Их Британи гарах эсэх асуудлаарх санал асуулга болоход хоёрхон хоногийн хугацаа үлдээд буй энэ үед хоёр хэсэг болон хуваагдсан ард түмэн нэг нэгнийхээ байр суурийг хамгаалахын төлөө мэтгэлцэж, тэрхүү мэтгэлцээн хоног дөхөх тусам улам ширүүсч байна.

Олимпид Оросын тамирчид оролцохгүй нь

Лос-Анжелесын Олимпийг (1984) улс төрийн шалтгаанаар бойкотлосноос хойш анх удаа ОХУ-ын тамирчид хүн төрөлхтний спортын хамгийн том наадмыг өнжих болоод байна. Олон улсын хөнгөн атлетикийн холбооны зөвлөл хоёр өдрийн турш хуралдсаны эцэст энэ зуны Олимпийн наадамд Оросын тамирчдыг оролцуулахгүй байх шийдвэр гаргажээ. Харин Олон улсын Олимпийн хороо өнөөдөр Оросын тамирчдыг Олимпод оролцуулах эсэхийг шийдвэрлэх хурал зарласан юм. ОУОХ-ны шийдвэр сөрөг гарвал Олимпийн хөнгөн атлетикийн төрлийн тэмцээн Оросын тамирчидгүй болох нь. Бразилийн Рио-де-Жанейро хотноо наймдугаар

сарын 5-нд зуны Олимпийн XXXI наадам нээлтээ хийнэ. “Цэвэр тамирчин”-г дэмжих үүднээс ОХУ-ын хөнгөн атлетикийн тамирчдыг Олимпод оролцох эрхийг хассан ОУХАХ-ны шийдвэрийг олон улс сайшаан хүлээн авч байна. Дэлхийн спортыг шударга байлгах үүднээс допинг хэрэглэсэн тамирчдын медалийг хурааж, Олимп болон бусад тэмцээн уралдаанд оролцох эрхийг хасаад буй юм. Тухайлбал, ОХУ-ын тамирчин Юлия Зариповагийн 2012 оны Лондонгийн Олимп болон 2011 оны дэлхийн аваргын алтан медалийг хураажээ. Мөн алдарт теннисчин Мариа Шараповагийн эрхийг хоёр жилээр хассан билээ.

Ром хот эмэгтэй захирагчтай болно

Италид орон нутгийн шийдвэрлэх шатны санал хураалт өнгөрөгч ням гарагт болж, нийслэл Ром хотын захирагчийн сонгуульд “Таван од хөдөлгөөн” намаас нэр дэвшигч 37 настай Виржиниа Рагги ялалт байгуулах нь нэгэнт тодорхой болоод байна. Тэрбээр энэ сонгуульд ялснаар Ром хотын анхны эмэгтэй захирагч болох юм. Гарцан дахь санал асуулгын дүнгээр Рагги 60 гаруй хувийн санал авч, тэргүүлсэн бол Ерөнхий сайд Маттео Рензингийн тэргүүлэх Ардчилсан намаас нэр дэвшигч Роберто Жиачетти ялагдал хүлээсэн байна. Түүнчлэн, популист улс төрийн хүчин гэгддэг “Таван од хөдөлгөөн” нам Турин хотын сонгуульд ч гэсэн Чиара Аппендино

гэх 31 настай эмэгтэйг нэр дэвшүүлж, ялалт байгуулах нь тодорхой болжээ. Тиймээс Италийн Ерөнхий сайдын хувьд энэ удаагийн сонгуулиар маш том ялагдал хүлээж байна. “Таван од хөдөлгөөн” намыг хамгийн анх долоон жилийн өмнө инээдмийн жүжигчин Бешпе Грилло үүсгэн байгуулж байсан бөгөөд түүнээс хойш Италийн улстөрийн гол хүчнүүдийн нэг болох хэмжээнд тасралтгүй өсч дэмжиж ирсэн байна. Зарим улс төр судлаачдын үзэж буйгаар энэ сонгуульд сөрөг хүчний нэр дэвшигч ялалт байгуулсан нь ирэх 2018 онд болох бүх нийтийн сонгууль Ардчилсан намд ямар сөрөг үр дагавар авчрахыг сануулсан үйл явдал гэж харж байгаа аж.

Архины 500 мухлагийг хаажээ

Энэтхэгийн өмнөд этгээдийн Тамил Наду мужийн захиргаа архи согтууруулах ундаа худалдан борлуулсан 500 мухлагийн үйл ажиллагааг зогсоох шийдвэрийг гаргалаа. Өнгөрсөн сард болсон мужийн парламентын сонгуулийн үеэр гэмт хэрэг, хүчирхийлэл, хулгайн гэмт хэргийг бууруулахын тулд муж даяар архи согтууруулах ундаа худалдан борлуулахыг хориглоно гэж эрх баригч нам амлаж байжээ. Тус сонгуульд эрх баригч нам ялалт байгуулсан аж. Тэгвэл тус нам Архи согтууруулах ундааны эсрэг хууль журмын хүрээнд мужийн нутаг дэвсгэрт үйл ажиллагаа явуулж буй архины 500 мухлагийг хаах шийдвэрийг


гаргаснаас гадна архи худалдаалах бүх цэгүүдийн ажиллах цагийг багасгасан байна. Өнгөрсөн сард болсон парламентын сонгуульд мужийн Ерөнхий сайд Жаялалитаа Жаярамаас эхлээд улс төрийн намын удирдлагууд бүгд архины эсрэг хуулийг хэрэгжүүлж ажиллахаа амласан байдаг. Учир нь хуурамч архины худалдаа зэргээс үүдэлтэйгээр тухайн бүс нутагт маш олон хүн амиа алдаж байжээ. Тамил Наду муж болон түүнтэй хиллэх Керара муж 2014 оноос эхлэн зарим зочид буудлуудад архи худалдаалахыг хориглосон байдаг.

Өнөөдөр олон улсын иогийн өдөр

Дэлхий нийтээр өнөөдөр хоёр дахь жилдээ иогийн өдрийг тэмдэглэх гэж байна. Энэтхэг улсын санаачилгаар НҮБ-аас зургадугаар сарын 21-нийг олон улсын иогийн өдөр болгон зарласан юм. Санаачлагчийн хувиар Энэтхэг улс иогийн өдрийг өргөн хэмжээнд тэмдэглэхээр бэлтгэж байна. Өнгөрсөн жилийн хувьд нийслэл Дели хотын төв талбайд болсон Иогийн дасгалд Энэтхэгийн Ерөнхий сайд Нарендра Моди оройлон оролцож, дасгал хийсэн юм. Харин манай оронд 1000 иогчин Чингисийн талбайд цугларан дасгал хийж, иогийн ач тусыг иргэд, залуу үеийнхэндээ таниулсан байдаг. Дэлхийн 193 орноос 192-д нь иог түгжээ. Гагцхүү Йемен улсад шашны зөрчлөөс үүдэн иогоор хичээллэхийг зөвшөөрдөггүй байна. Бурханы бидэнд өгсөн бэлэг хэмээн энэтхэгчүүдийн үздэг иогийн ач тусыг сүүлийн жилүүдэд дэлхий нийтээр илүүтэй таньж мэдэж, хүмүүс хичээллэх болсон. 3000-6000 жилийн тэртээгээс үүсэлтэй иогийг шашинтай холбох ойлголт түгээмэл байдаг ч энэ бол шашин биш, оюун санааны шинжлэх ухаан бөгөөд сайн хүн байх, аз жаргалтай амьдрахуйн ухаан юм гэж мэргэжилтнүүд хэлдэг.

Ява аралд хөрсний гулгалт үүсчээ

Индонезийн төв хэсгийн Ява аралд ширүүн бороо урсгалжтэн орсны улмаас үер болон хөрсний гулгалт үүсч, хамгийн сүүлд авсан мэдээллээр 35 хүн амь үрэгджээ. Түүнчлэн олон арван хүний байшин эвдэрч хэмхэрсэн байна. Мөн сураггүй болсонд тооцогдож буй нэлээд хүн байгаа ажээ. Энэ удаагийн байгалийн гамшигт үзэгдлийн улмаас Төв Ява мужийн зарим дүүргүүд хамгийн их хохирол амсчээ. Их хэмжээний шавар, хөрс ус шиг урсаж, машин зам руу орж, улмаар маш олон айлын байшинг сүйтгэсэн байна. Түүнчлэн үерийн усанд мянга гаруй барилга автсан тухай эх сурвалж дамжуулаа. Телевизээр үзүүлсэн бичлэгт уснаас зугтан байшингийнхаа дээвэр дээр тусламж эрэн зогсч буй тосгоны иргэд, байшин, машин урсч буй байдал дүрслэгдсэн байна. Хамгийн сүүлд авсан мэдээгээр 35 хүн нас барж, 25 хүн ор сураггүй болсонд тооцогдож буй гэнэ. Мөн 14 хүн шархаджээ.



Төл нутгийн цахим мэдээлэл

Дүгнэж үзэж байна

Улаанбаатар орондоо дүгнэж үзэхийг бэлэн

Санаачлагчид үйлчилгээг үргэлжлүүлж байна.

Төлүүр үг

MMINFO.mn сайтаас

06 сарын 20 (Долоо)

Улаанбаатар 1990

Цахим хуудас 30 минутын өмнө шинэчлэгдсэн.

ЭХЛЭЛ

УЛС ТӨР

ЭДИЙН ЗАСАГ

ҮЗЭЛ БОДОЛ

НИЙГЭМ

ДЭЛХИЙ

СПОРТ

ЭНТЕРТАЙНМЭНТ

Жастин Бибер тайзнаасаа унажээ

Дэлгэрэнгүй мэдээллийг MMINFO.MN сайтаас

СУРТАЛЧИЛГАА



ЗӨВХӨН 6-Р САРД



КОМПЬЮТЕР ХУДАЛДАН АВСАН ХҮН БҮР

9 БЭЛЭГТЭЙ



ЭСВЭЛ

БОНУС КАРТ 5% урамшуулалтай



Зөвхөн "DELL Center"-т
Хаяг: Компьютер Ландын зүүн талд DELL Center
Холбогдох утас: 9906-9493, 9904-2031